



15 SEPTANM 2014

LATOUR VEYER

PE ANONS RWAYONM ZEOVA

17-23 Novanm

Dernyen lennmi lanmor pou ganny detri

PAZ 3 KANTIK: 111, 109

24-30 Novanm

Rapel bann dan servis a plen tan

PAZ 18 KANTIK: 95, 100

LARTIK LETID

■ DERNYEN LENNMI LANMOR POU GANNY DETRI

Ki mannyer lanmor ti antre dan lafanmir imen? Ki mannyer sa ‘dernyen lennmi lanmor pou ganny detri’? (1 Kor. 15:26) Vwar ki mannyer sa larepons i montre lazistis Zeova, son lasazes e sirtou son lanmour.

■ Rapel bann dan servis a plen tan

Zeova in toultan annan bann serviter fidel ki servi li a plen tan menm si i difisil pour fer li dan sa lemonn. Ki nou kapab fer pour “rapel . . . ki mannyer zot in pratik zot lafwa e akonpli en travay lanmour”?—1 Tesa. 1:3.

Dernyen lennmi lanmor pou ganny detri

“Dernyen lennmi ki pou ganny detri, se lanmor.”
—1 KOR. 15:26.

KI OU POU REPONN?

Ki lord ranpli avek lanmour Zeova ti donn Adan?

Ki mannyer lanmor in antre dan fanmir imen?

Kan ki ‘dernyen lennmi lanmor pou ganny detri’?

KAN Adan ek Ev ti ganny kree, zot ti napa okenn lennmi. Zot ti bann imen perfe e zot ti reste dan en paradi. Zot ti annan en bon relasyon avek zot Kreater konman son garson ek son fiy. (Zen. 2:7-9; Lik 3:38) Zot lespwar pour lavenir ti ganny endike dan sa lord ki Bondye ti donn zot. (Lir Zenez 1:28.*)

*** Zenez 1:28:** “Apre, Bondye ti beni zot e Bondye ti dir zot: ‘Fer zanfan e vin bokou, ranpli later, domin li, annan kontrol lo bann pwason dan lanmer ek bann zwazo ki anvole dan lesyel ek tou zannimo ki pe marse lo later.’”

1, 2. Ki Adan ek Ev ti pas atraver o konmansman e ki kesyon sa i fer nou demande?

Pour ‘ranpli later e domin li,’ sa ti pou kapab ganny akonplir dan en serten kantite letan. Par kont, pour kontinyen ‘annan kontrol lo tou bann zannimo ki pe marse lo later’ Adan ek Ev ti pou bezwen viv pour touzour e Adan pa ti pou bezwen perdi son responsabilite akoz lanmor.

2 Me akoz bann sityasyon i sitan diferan ozordi? Ki mannyer i annan sitan bokou lennmi ki anpes dimoun ere, ensi ki sa pli gran lennmi lanmor? Ki Bondye ti pou fer pour detri sa bann lennmi? Larepons sa bann kestyon ek lezot kestyon ki relye i kapab ganny trouve dan Labib. Annou aprezan egzamin serten sa bann kestyon enportan dan Labib.

EN LAVERTISMAN RANPLI AVEK LANMOUR

3 Menm si Adan ek Ev ti annan sa lespwar pour viv pour touzour, zot pa ti imortel. Pour

3, 4. (a) Ki lord Bondye ti donn Adan ek Ev? (b) Akoz i ti enportan pour zot obeir sa lord?

reste vivan zot ti bezwen respire, bwar, dormi e manze. Pli enportan ankor, zot lavi ti depan lo relasyon ki zot ti annan avek sa Enn ki ti'n donn zot lavi. (Det. 8:3) Pour zot kontinyen viv ere zot ti pou bezwen aksepte gidans Bondye. Zeova ti fer sa kler avek Adan menm avan ki i ti kree Ev. Ki mannyer i ti fer sa? “Zeova ti osi donn sa zonm sa lord: ‘Fri dan tou pye dibwa sa zarden ou kapab manze ziska ou rasazyè. Me an sa ki konsern sa pye konnesans bon e move ou pa devret manze, parski sa zour ki ou manz son fri, sirman ou pou mor.’”—Zen. 2:16, 17.

4 “Sa pye konnesans bon e move” ti montre ki Bondye ti annan drwa pour deside kwa ki byen ek kwa ki mal. Byensir, Adan ti deza konn sa ki byen ek sa ki mal parski i ti ganny kree dan resanblans Bondye e i ti annan en konsyans. Sa pye ti pou endik Adan ek Ev ki zot ti pou toultan bezwen gidans Zeova. Si zot ti

manz fri dan sa pye dibwa i ti pou konmsi zot ti pe pran responsabilite pour deside kwa ki byen ek kwa ki mal e sa ti pou annan en tre move konsekans lo zot ek zot desandans. Sa lord ki Bondye ti donner ek son santans ti montre gravite en tel fot.

LAFASON KI LANMOR TI ANTRE DAN FANMIR IMEN

5 Apre ki Ev ti'n ganny kree, Adan ti koz avek li konsernan lord ki Bondye ti'n donner. I ti konn sa lord tre byen e i ti kapab repet li preski parker. (Zen. 3:1-3) I ti fer sa avek en personnaz ki ti prezant son lekor konman en serpan, en kreatir pridan. Sa enn ki ti par der- yer sa serpan ti Satan oubyen Dyab, en garson spirityel Bondye ki ti'n les li devlop en dezir pour vin endepandan e ganny pouvwar. (Kon- par Zak 1:14, 15.) Pour arive akonpli son move

5. Ki mannyer Adan ek Ev ti arive dezobeir?

dezir i ti akiz Bondye konman en manter. I ti asir Ev ki si i rod son lendepandans i pa ti pou mor, me i ti pou vin parey Bondye. (Zen. 3:4, 5) Ev ki krwar li, i ti azir dan en fason endepandan par manz sa fri e i ti persyad Adan pour fer parey. (Zen. 3:6, 17) Dyab ti'n koz manti. (Lir 1 Timote 2:14.) Kantmenm sa, Adan ti "ekout lavwa [son] madanm." Menm si sa serpan ti kapab paret en zanmi, Satan oubyen Dyab ti an realite en lennmi kriyel ki ti konn tre byen move konsekans sa mansonz ki i ti'n dir Ev.

6 Pour bann rezon personnel, tou le de Adan ek Ev ti rebel kont sa Enn ki ti'n donn zot lavi ek tou lezot keksoz ki zot ti annan. Byensir, Zeova ti konn tou sa ki ti'n arive. (1 Kron. 28:9; lir Proverb 15:3.*) I ti'n permet sa trwa

* Proverb 15:3: "Lizye Zeova i partou, pe sirvey bann ki move e bann ki bon."

6, 7. Ki mannyer Zeova ti rann zizman lo sa bann peser?

endividi ki ti enplike dan sa rebelyon pour montre ki mannyer zot ti santi anver li. Lefet ki Zeova i en Papa nou asire ki sa ti'n bezwen fer son leker fermal. (Konpar Zenez 6:6.) Apre sa i ti bezwen azir konman Ziz pour obeir e aplik son prop parol ki i ti'n dir konsernan konsekans ki zot move aksyon ti pou anmennen.

7 Bondye ti'n dir Adan: "Sa zour ki ou manz son fri [sa pye konnesans bon e move] sirman ou pou mor." I kapab ki Adan ti'n konpran ki "sa zour" ti pou en zour 24 erdtan. Apre ki i ti'n dezobeir lord Bondye, i kapab ki i ti pe ekspekte ki Zeova i azir avan soley kouse sa zour. "O moman ki pti labriz i soufle pandan lazournen," Zeova ti vin kot sa koup. (Zen. 3:8) Konman en Ziz ki drwat, i ti avan tou ekout sa ki zot ti annan pour dir. (Zen. 3:9-13) Apre sa, i ti pas son santans lo sa bann peser. (Zen. 3:14-19) Si i ti'n egzekut zot deswit, son plan pour

Adan, Ev avek zot desandans pa ti pou ganny realize. (Iza. 55:11) Menm si i ti pas santans lanmor e ki lefe pese ti konmans deswit, i ti permet Adan ek Ev pour ganny zanf an ki ti pou kapab benefisy e avek lezot provizyon ki I ti pou fer. Alor, dan lizye Bondye, Adan ek Ev ti mor menm zour ki zot ti'n fer pese e vi ki 1,000 an i konman en zour pour Zeova, an realite zot ti mor dan lespas en “zour.”—2 Pyer 3:8.

8 Eski bann zanf an Adan ek Ev ti pou ganny afekte par sa ki zot paran ti'n fer? Wi. Romen 5:12 i eksplike: “Pese in antre dan lemonn par en sel zonn, e pese in anmenn lanmor, e lanmor in pas avek tou dimoun, parski tou dimoun in konmet pese.” Premye pour mor ti en zonn fidel ki ti apel Abel. (Zen. 4:8) Apre lezot desandans Adan ti vin vye e mor. Eski zot

8, 9. Ki manner desandans Adan ti ganny afekte par son pese? (Vwar portre lo paz 23 dan *Latour Veyer* edisyon letid an Kreol.)

ti erit pese ek lanmor? Zapot Pol ti reponn: “Bokou in vin peser par dezobeisans en sel zonn.” (Rom. 5:19) Pese ek lanmor ki Adan in transmet in vin en lennmi ki limanite pa kapab evite. Menm si nou pa konn egzakteman ki mannyer pese ek lanmor ti ganny transmet avek desandans Adan, nou kapab vwar son rezilta.

⁹ I apropiye ki Labib i refer avek pese ek lanmor ki nou’n erite konman “sa vwal dey ki pe kouver tou pep e sa dra ki’n ganny fabrike pour kouver tou nasyon.” (Iza. 25:7) Parey sa dra oubyen vwal dey ki pe kouver tou nasyon pareyman napa okenn imen ki kapab sape avek pese ek lanmor. Alor an realite “tou dimoun i mor dan Adan.” (1 Kor. 15:22) Sa i fer nou demann menm kekyon ki Pol ti demande: “Lekel ki pou delivre mwan avek sa lekor lanmor?” Eski i ti

annan en dimoun ki ti pou kapab delivre li?*

—Rom. 7:24.

PESE EK LANMOR POU GANNY DETRI

10 Wi, Zeova ti kapab sov Pol. Deswit apre ki Izai ti mansyonn “sa vwal dey,” i ti ekrir: “I pou anval lanmor pour touzour e Souvren Senyer Zeova pou eswiy larm lo tou figir.” (Iza. 25:8) Parey en papa i tir en keksoz ki fer son bann zanfan soufer e eswiy larm dan zot lizye, Zeova i pran plezir pour detri lanmor. I annan en lot personnaz ki pou ed li fer sa. Premye Korentyen

* Konsernan zefor ki bann syantis in fer pour eksplik kwa ki fer nou vyeyi e mor, liv *Insight on the Scriptures* i dir: “Zot inyor lefet ki Kreater li menm ti donn sa lalwa konsernan santans lanmor lo sa premye koup imen e bann imen pa vreman konpran ki mannyer sa santans in ganny enplimante.”—Volim 2 p. 247 an Angle ouswa paz 1147 an Franse.

10. (a) Ki serten verse Labib ki montre ki Zeova pou detri lanmor? (b) Ki sa bann verse i montre nou konsernan Zeova ek son Garson?

15:22 i dir: “Parey tou dimoun i mor dan Adan, demenm dan Kris tou pou reviv.” Pareyman, apre ki Pol ti demande “Lekel ki pou delivre mwan avek sa lekor lanmor?” i ti kontinyen: “Gran mersi Bondye par Zezi-Kri nou Senyer!” (Rom. 7:25) I kler ki sa lanmour ki ti pous Bondye pour kree limanite pa ti’n diminyen aköz rebelyon Adan ek Ev. Sa enn ki ti ed Zeova pour donn lavi sa premye koup li osi i pa ti’n perdi son lafeksyon pour zot desandans. (Prov. 8:30, 31) Me ki manner zot ti pou ganny sove?

11 Kan Adan ti komet pese, Zeova ti kondann li a mor. An rezilta sa, tou dimoun in erit lenperfeksyon ek lanmor. (Rom. 5:12, 16) Nou lir: “Par pese en sel zonn, tou dimoun in ganny kondannen.” (Rom. 5:18) Ki Zeova ti pou bezwen fer pour tir sa zizman kondannasyon san ki i inyor son prop standar? Nou trouv larepons

11. Ki provizyon Zeova ti fer pour ed limanite?

dan parol Zezi: ‘Fis-de-Lonm in vin pour . . . donn son lavi konman pri pour liberasyon bokou dimoun.’ (Mat. 20:28) Premye lanz ki Zeova ti kree ti fer kler ki lefet ki i ti’n ne lo later konman en zonm parfe i ti pou sa “pri pour sov limanite,” setadir sa pri ki ti annan menm valer avek sa ki ti’n perdi. Ki mannyer sa ranson ti pou anmenn lazistis?—1 Tim. 2:5, 6.

12 Konman en zonm parfe, Zezi ti annan menm lespwar ki Adan avan ki i ti fer pese. Zeova ti annan plan pour ranpli later avek desandans parfe *Adan*. Alor, akoz son gran lanmour ki i ti annan pour son Papa ek desandans Adan, Zezi ti donn son lavi konman en sakrifis. Wi, Zezi ti donn en lavi parfe ki ti annan menm valer avek sa ki Adan ti’n perdi. Apre sa, Zeova ti resisit son Garson konman en lespri. (1 Pyer 3:18) Zeova ti annan tou rezon pour aksepte sa

12. Ki sa ranson ki ti demontre lazistis Zeova?

sakrifis ki *sa zonn parfè* Zezi ti ofer konman ranson oubyen pri pour reaste desandans Adan e donn zot sa lespwar ki Adan ti'n perdi. Dan en sans Zezi ti pran plas Adan. Pol ti eksplike: "I'n ganny ekri, 'Premye zonn, Adan, ti vin en et vivan.' Dernyen Adan in vin en lespri ki donn lavi."—1 Kor. 15:45.

13 A lafen defen sa zour pou arive kot "dernyen Adan" pour azir konman "en lespri ki donn lavi" anver tou limanite. Lamazorite desandans Adan pou ganny resisite. Akoz? Parski zot in deza viv e zot in mor. Zot pou bezwen ganny resisite, setadir zot pou reganny lavi lo later.—Zan 5:28, 29.

14 Ki mannyer limanite pou ganny libere avek lenperfeksyon? Zeova in etabli en Rwayonn dan

13. Ki mannyer "dernyen Adan" pou azir pour ed bann mor?

14. Ki provizyon Zeova in fer pour ranvers lenperfeksyon ki Adan in pas avek son desandans?

lesyel e bann ki pou dirize i “dernyen Adan” e sa 144,000 Kretyen swazir. (Lir Revelasyon 5: 9, 10.) Bann ki pou avek Zezi dan lesyel pou’n deza eksperyans lenperfeksyon. Pandan sa mil an ki zot pou renny ansanm, zot pou ed bann lo later pour sirmont lenperfeksyon ki zot pa’n kapab arive fer lo zot menm.—Rev. 20:6.

15 A lafen sa renny mil an, bann imen obeisan pou’n ganny libere avek tou zot bann lennmi ki dezobeisans Adan in anmennen. Labib i dir: “Parey tou dimoun i mor dan Adan, demenm dan Kris tou pou reviv. Me sakenn dan son ran, Kris premye parmi tou, e ler i vini, tou sa bann ki pour Kris [bann ki pou renny avek li]. Apre sa, lafen tou keksoz pou arive, ler i pou remet Rwayonm dan lanmen Bondye, son Papa, apre ki i’n detri tou lotorite, pouvwar spirityel ek tou

15, 16. (a) Kisisa sa ‘dernyen lennmi lanmor’ e kan ki i pou ganny detri? (b) Dapre 1 Korentyen 15:28, ki Zezi ek son bann asosye ki pou renny avek li pou fer?

pisans. Parski fodre ki Kris i rennyen ziska ki i'n met tou son lennmi anba son lipye. Dernyen lennmi ki pou ganny detri, se lanmor.” (1 Kor. 15:22-26) Wi, pese ki nou'n erite avek Adan pou ganny detri. “Sa vwal dey” ki anvlop limanite pou'n ganny tire pour touzour.—Iza. 25:7, 8.

16 Zapot Pol i konklir son liv enspire avek sa parol: “Kan tou keksoz in ganny soumet avek Kris, alor Garson limenm, i a soumet son lekor avek sa enn ki'n soumet tou keksoz avek li, e alor Bondye i ava tou pour tou dimoun.” (1 Kor. 15:28) Plan renny Garson Bondye pou'n ganny akonpli. Apre, avek lazwa i pou rann Zeova son Rwayonm e prezant fanmir imen ki pou'n vin parfe avek li.

17 Me ki pou arive avek Satan, sa enn ki'n fer limanite pas atraver tou sa bann maler? Revelasyon 20:7-15 i donn nou larepons. Dan en tes

17. Finalman, ki pou arive avek Satan?

final, Satan pou ganny permet pour esey anbet bann imen perfe. Dyab ek bann ki swiv li pou ganny eliminen pour touzour dan “dezyenm lanmor.” (Rev. 21:8) Sa lanmor pa pou zanmen “ganny detri” aköz bann ki eksperyans sa “dezyenm lanmor” pa pou zanmen viv ankor. Par kont, “dezyenm lanmor” pa en lennmi pour bann imen ki kontan e servi zot Kreater.

18 Apre bann imen perfe ki pou ganny laprouvasyon Zeova pou ganny lavi eternal san okenn lennmi. Sa travay ki Adan ti’n gannyen pou’n ganny akonplir san li. Later pou ranpli avek son desandans ki pou vwar li en plezir pour pran swen avek later ek tou sort kalite zannimo. Annou pa zanmen perdi lapresyasyon pour lafason ki Zeova pou detri sa dernyen lennmi, lanmor!

18. Ki mannyer sa travay ki Bondye ti donn Adan pou ganny akonplir?

Rapel bann dan servis a plen tan

“Nou rapel . . . ki manner zot in pratik zot lafwa e akonpli en travay lanmour.”—1 TESA. 1:3.

KI OU POU REPONN?

Ki serten form servis ki ti annan dan premye syek e ki manner bann ki ti pe servi dan sa fason ti ganny ede finansyerman?

Ki form servis a plen tan ou apresye dan nou letan?

Ki manner ou kapab ed en dimoun ki dan servis a plen tan?

ZAPOT Pol ti rapel bann ki ti travay dir pour sa bon nouvel. Pol ti ekrir: “Nou rapel devan nou Bondye e Papa, ki manner zot in pratik zot lafwa e akonpli en travay lanmour an restan ferm dan lesperans dan nou Senyer Zezi.” (1 Tesa. 1:3) Byensir, Zeova li menm i rapel tou bann ki servi li fidelman avek lanmour, ki swa zot sirkonstans lavi i

1. Ki ti santiman Pol konsernan bann ki travay dir pour servi Zeova?

permet zot fer en kantite oubyen en ptigin.—Ebr. 6:10.

2 Bokou nou bann frer ek ser ozordi e dan lepanse in fer bann gran sakrifis pour servi Zeova a plen tan. Annou vwar ki mannyer serten ti servi Zeova dan premye syek. Nou pou osi diskite serten form servis a plen tan dan nou letan e vwar ki mannyer nou kapab rapel sa bann ki'n pare pour servi dan sa bann fason spesyal.

BANN KRETYEN DAN PREMYE SYEK

3 Pa bokou letan apre ki Zezi ti'n batize, i ti konmans en travay ki ti pou ganny fer dan lemonn antye. (Lik 3:21-23; 4:14, 15, 43) Apre ki i ti'n mor, son bann zapot ti pran linisyativ pour sa travay predikasyon ki ti pe kontinyen progresse. (Akt 5:42; 6:7) Serten Kretyen, par egzamp Filip, ti servi

2. Ki nou pou diskite dan sa lartik?

3, 4. (a) Ki mannyer serten ti servi Zeova dan premye syek? (b) Ki mannyer zot bann bezwen de baz ti ganny pran swen avek?

konman evanzelizater ek misyonner Palestin. (Akt 8:5, 40; 21:8) Kant a Pol ek lezot zot ti vwayaz pli lwen. (Akt 13:2-4; 14:26; 2 Kor. 1:19) Serten, parey Silven (Silas), Mark ek Lik ti osi servi konman sekreter oubyen ekriven. (1 Pyer 5:12) Bann ser Kretyen ti travay ansanm avek sa bann frer fidel. (Akt 18:26; Rom. 16:1, 2) Leksperyans tou sa bann frer ek ser i eksitan e sa i fer li en plezir pour lir Lekritir Grek Kretyen ki montre nou ki Zeova i rapel son bann serviter e i apresye zot.

4 Ki mannyer bann serviter a plen tan dan premye syek ti siport zot lekor finansyerman? Par ler, bann frer ek ser Kretyen ti demontre lospitalite anver zot oubyen zot ti ganny ede dan lezot fason, me san ki zot ti bezwen demann sa led. (1 Kor. 9:11-15) Serten dimoun e osi bann kongregasyon ti volonterman donn zot sipor. (Lir Akt 16:14, 15; Filipyen 4:15-18.) Pol ek bann ki ti vwayaz avek li ti osi travay a mitan pour ede kouver zot bann depans.

BANN SERVITER A PLEN TAN DAN NOU LETAN

5 Ozordi osi, bokou i travay dir dan diferan form servis a plen tan. (Vwar sa bwat “Diferan form servis a plen tan.”) Ki mannyer zot santi konsernan sa karyer ki zot in swazir? Sa i en kestyon ki ou kapab demann zot e tre probab ou pou ganny ankou- raze en kantite. Annou vwar en legzanp: En frer ki’n servi konman en pionye ordiner, pionye spe- syal, misyonner e en manm lafanmir Betel dan en lot pei i dir: “Mon santi ki pran servis a plen tan i enn parmi sa pli bon swa ki mon’n deza fer. Ler mon ti annan 18 an, mon ti vwar li difisil pour de- side si mon pou al liniversite, pran en karyer a plen tan oubyen servis pionye. Mon leksperyans in mon- tre mwan ki Zeova pa oubliy bann sakrifis ki ou fer pour servi li a plen tan. Mon’n kapab servi nenport talan oubyen abilite ki Zeova in donn mwan dan

5. Ki mannyer en koup i santi konsernan zot lavi dan ser- vis a plen tan?

bann fason ki pa ti pou'n posib si mon ti'n swazir en karyer dan sa lemonn." Son madanm i dir: "Tou sa bann responsabilite in ed mwan pour devlope. Nou'n toultan santi proteksyon ek gidans Zeova dan bann fason ki pa ti pou'n zanmen arive si nou ti'n zis kontinyen fer sa ki nou santi nou alez pour fer. Mon remersye Zeova tou le zour pour nou lavi dan servis a plen tan." Eski ou ti a kontan annan sa menm santiman?

6 Byensir, serten i annan bann sironstans ki pa permet zot pour pran servis a plen tan a sa moman. Nou kapab asire ki Zeova i osi apresye zefor ki zot fer avek tou zot leker. Mazin sa bann ki Pol ti mansyonnen par non dan Filemon 1-3, enkli tou bann ki ti form parti kongregasyon Kolos. (Lir.) Pol ti apresye zot e Zeova osi. Dan sa menm fason, nou Papa dan lesyel i apresye ou servis. Me ki mannyer ou kapab donn sipor sa bann ki pe servi a plen tan la konmela?

6. Ki nou tou nou devret asire konsernan santiman Zeova?

ED BANN PIONYE

7 Parey bann evanzelizater dan premye syek, bann pionye devoue i en bon sours lankourazman dan kongregasyon. Bokou i pres pour 70 erdtan sak mwan. Ki manner ou kapab ed zot?

8 Shari, en ser pionye ti fer sa remark: “Bann pionye i paret for vi ki zot dan servis tou le zour. Kantmenm sa, zot bezwen lankourazman.” (Rom. 1: 11, 12) En lot ser ki ti nobou fer pionye pour plizyer lannen ti dir sa konsernan bann pionye dan son kongregasyon: “Zot toultan pe travay e zot travay dir. Kan lezot i ofer pour pran zot transpor pour anmenn zot dan predikasyon, envit zot pour en repa, donn zot en pti larzan bennzin oubyen ed zot dan lezot fason finansyerman, zot vreman rekonnesan. Sa i montre zot ki ou vreman enterese.”

9 Eski ou ti a kontan ed bann pionye dan

7, 8. Ki servis pionye i enplike e ki manner lezot dan kongregasyon i kapab ed bann pionye?
9, 10. Ki serten in fer pour ed bann pionye dan zot kongregasyon?

predikasyon? En pionye ki apel Bobbi ti sipliye: “Nou bezwen plis sipor pandan lasemenn.” En lot pionye dan sa menm kongregasyon ti azoute: “I difisil pour ganny en dimoun pour al avek ou dan predikasyon dan apremidi.” En ser ki aprezan pe servi dan Betel Brooklyn i dir sa avek lazwa konsernan son servis pionye: “En ser ki ti annan loto ti dir, ‘Nenport ler ki ou napa personn pour al avek ou dan predikasyon, telefonn mwan e mon ava al avek ou.’ I ti ed mon kontinyen dan mon servis pionye.” Shari i fer sa remark: “Apre predikasyon, souvand-fwa bann pionye selibater i tousel. Petet ou kapab envit bann frer oubyen ser selibater pour asiste ou Ladorasyon Fanmir detanzantan. Kan ou osi enkli zot dan lezot aktivite sa i ede pour gard zot for.”

10 En ser ki'n fer servis a plen tan pour preski 50 an, i mazin son servis pionye avek lezot ser selibater e dir: “Nou bann ansyen ti vizit bann pionye tou le detrwa mwan. Zot ti demann nou konsernan nou lasante, nou lanplwa e si nou ti annan

Diferan form servis a plen tan

Pionye ordiner i pres pour 70 erdtan sak mwan, zot servi dan zot kongregasyon oubyen dan bann landrwa kot i annan plis bezwen.

Pionye spesyal i pres pour 130 erdtan sak mwan, souvandfwa zot ganny anvoye dan bann landrwa kot i annan plis bezwen.

Sirveyan rezyonal i servi en serten kantite kongregasyon, zot diriz predikasyon e ed bann kongregasyon dan lezot fason.

Manm lafanmir Betel i servi dan en biro brans oubyen en biro tradiksyon pour ede prodwir bann publikasyon oubyen gid bann pei ki biro brans i pran swen avek.

Misyonner i ganny anvoye dan bann pei etranze. Bokou misyonner i pres pour 130 erdtan sak mwan.

Serviter enternasyonal ek volonter i al dan bann diferan pei pour ede konstri bann biro brans, biro tradiksyon, Lasal Lasanble ek Lasal Rwayonm.

Serviter konstriksyon Lasal Rwayonm i ganny formen pour konstri bann Lasal Rwayonm e ede avek lezot konstriksyon nesaser dan zot pei.

okenn keksoz ki ti pe trakas nou. Zot ti vreman senser. Zot ti vizit nou flat pour zot kapab vwar si nou ti bezwen okenn led.” Sa i kapab fer ou rapel lapresyasyon Pol pour servis ki en perdfanmir Efez ti rann li.—2 Tim. 1:18.

11 I en benediksyon pour bann kongregasyon annan bann pionye spesyal. Bokou sa bann frer ek ser i pres pour 130 erdtan sak mwan. Vi ki zot pas sa kantite letan dan predikasyon e ede dan lezot fason, sa i fer ki zot pa travay bokou oubyen menm pa travay ditou. Biro brans i donn zot en pti larzan sak mwan pour ki zot kapab konsantre lo zot minister.

12 Ki manner nou kapab ed bann pionye spesyal? En ansyen ki travay dan en biro brans e ki souvan ganny kontak avek bann pionye spesyal i eksplike: “Bann ansyen i bezwen koz avek zot, konn zot sironstans e apre rode ki manner zot kapab

11. Ki servis pionye spesyal i enplike?

12. Ki manner bann ansyen ek lezot i kapab ed bann pionye spesyal?

ed zot. Serten Temwen i prezimen ki bann pionye spesyal i ganny tou sa ki zot bezwen akòz zot ganny en pti larzan sak mwan, me bann frer ek ser dan zot kongregasyon i kapab ed zot dan plizyer fason.” Parey bann pionye ordiner, bann pionye spesyal i apresye kan zot ganny dimoun pour travay avek zot dan predikasyon. Eski ou kapab ede dan sa fason?

ED BANN SIRVEYAN KI VIZIT BANN KONGREGASYON

13 Souvandfwa bann sirveyan ek zot madanm i ganny konsidere konman bann ki for e stab spirityelman. Sa i vre, me zot osi tou zot bezwen lan-kourazman, dimoun pour travay avek dan predikasyon e pour ganny enkli dan bann moman detant. Ki i arive si zot tonm malad e bezwen reste lopital, petet akòz zot bezwen fer looperasyon oubyen fizyoterapi? Zot vwar li ankourazan ler bann frer ek ser dan zot kongregasyon i ede avek zot bann bezwen

13, 14. (a) Ki nou devret rapel konsernan bann sirveyan rezyonal? (b) Ki ou krwar ou kapab fer pour ed bann ki pe servi konman sirveyan?

e demontre lentere personnel dan zot. Nou kapab mazin sa swen ki Lik, sa ‘dokter byenneme’ ki ti ekrir sa liv Akt ti’n bezwen demontre anver Pol ek lezot konpanyon ki ti pe vwayaz avek li.—Kol. 4:14; Akt 20:5–21:18.

14 Bann sirveyan ek zot madanm i bezwen e apresye bann bon zanmi. En sirveyan rezyonal ti ekrir: “I paret ki mon bann zanmi i konnen kan mon bezwen lankourazman. Zot demann bann kestyon avek disernman e sa i ed mwan pour koz konsernan sa ki pe trakas mwan. Zis lefet ki zot ekout mwan sa i en gran led.” Bann sirveyan ek zot madanm i vremen apresye sa lentere personnel ki bann frer ek ser i demontre.

DONN SIPOR MANM LAFANMIR BETEL

15 Dan lemonn antye, bann ki servi dan Betel i donn sipor neser sa travay predikasyon dan bann pei ki tonm anba zot biro brans. Si i annan 15, 16. Ki lafanmir Betel i fer e ki mannyer nou kapab siport zot?

bann Betelit dan ou kongregasyon oubyen rezyon, ki manner ou kapab montre ki ou rapel zot?

16 Ler zot fek ariv Betel, zot kapab mank zot fanmir ek bann bon zanmi. Pa zot vreman apresye ler lezot Betelit e lezot dan zot nouvo kongregasyon i vin zanmi avek zot! (Mark 10:29, 30) Zot program travay i permet zot asiste renyon e partisip dan predikasyon sak semenn. Me detanzantan, bann Betelit i kapab annan travay an plis. Ler bann kongregasyon i konpran sa e montre ki zot apresye bann Betelit e sa travay ki zot pe fer, tou dimoun i benefisye.—Lir 1 Tesalonisyen 2:9.

ED BANN KI DAN SERVIS A PLEN TAN ALETRANZE

17 Bann ki aksepte en responsabilite pour servi dan en lot pei i kapab bezwen adapte avek bann manze, langaz ek kondisyon ki vreman diferan avek sa ki zot abitye avek. Akoz zot swazir pour aksepte sa bann sanzman ki en defi?

17, 18. Ki bann responsabilite bann serviter a plen tan i annan aletranze?

18 Serten i bann misyonner, ki prensipalman servi dan predikasyon, kot bokou i benefisye avek zot bon formasyon. Biro brans i fourni bann misyonner avek en landrwa reste e en pti larzan pour kouver depans zot bann bezwen de baz. Lezot ki servi aletranze i ganny anvoye pour servi dan en biro brans oubyen pour ede konstri bann Betel, biro tradiksyon, Lasal Lasanble oubyen Lasal Rwayonm. Zot ganny zot manze, landrwa reste ek lezot servis. Parey manm lafanmir Betel, zot asiste bann renyon e partisip dan predikasyon kot zot reste, alor zot en benediksyon dan plizyer fason.

19 Ki mannyer ou kapab mazin sa bann ki dan servis a plen tan aletranze? Rapel ki sirtou o konmansman i kapab ki zot pa abitye avek bann manze sa pei. Ou kapab gard sa antet ler ou envit zot pour en repa e demann zot kwa ki zot kontan manze oubyen ki zot ti a kontan manze. Annan pasyans

19. Ki nou devret gard antet konsernan bann ki pe servi dan en pei aletranze?

anmezir zot aprann sa langaz ek koutim. I kapab pran en pe letan avan ki zot konpran tou sa ki ou dir, me ou kapab ed zot zantiman pour pronons bann mo. *Zot anvi aprann!*

²⁰ Anmezir ki letan i pase, bann serviter a plen tan i vyeyi e zot paran osi. Ler bann paran i Temwen, i tre probab ki zot anvi ki zot zanfani i reste dan zot servis. (3 Zan 4) Byensir, si zot paran i bezwen swen, bann serviter a plen tan pou fer tou sa ki zot kapab e pou vin ed zot sak fwa ki i posibil. Kantmenm sa, bann ki dan zot pei i kapab ed bann ki dan servis a plen tan kan zot pare pour donn swen si bann paran aze i bezwen led. Rapel ki bann serviter a plen tan i annan bann gran responsabilite dan sa travay pli enportan ki lemond in deza konnen. (Mat. 28:19, 20) Eski ou oubyen ou kongregasyon i kapab donn en koudmen si paran bann serviter a plen tan i bezwen led?

20. Dan ki bon fason nou kapab rapel bann serviter a plen tan ek zot paran?

21 Bann ki pran servis a plen tan i servi, pa pour benefisyé finansyèman me akòz zot anvè servi Zeova ek lezot. Zot vremen apresyè nenport led ki ou kapab donnen. En ser ki pe servi aletranze ki annan menm santiman parey lezot i dir: “Menm en pti let pour eksprim lapresyasyon i montre ki lezot pe mazin ou e ki zot kontan sa ki ou pe fer.”

22 Servi Zeova a plen tan i vremen sa pli bon fason viv. I en defi, i ansenny nou e i donn nou satisfaksyon. I osi en bon preparasyon ki pou ed nou fer sa travay ki pou anmenn satisfaksyon pour touzour ki pe esper tou bann serviter fidel Zeova anba Rwayonm Bondye. Annou tou “rapel . . . ki manner [bann serviter a plen tan] in pratik zot lafwa e akonpli en travay lanmour.”—1 Tesa. 1:3.

21. Ki manner bann ki pe servi a plen tan i santi konsènan led ek lankourazman ki lezot i donnen?

22. Ki manner ou santi konsènan servis a plen tan?

Al lo www.jw.org/crs,
ouswa skàn sa kod ➞



wip14_09/15-SC-2